

## Defending Someone

**Karihwénhawe:** Oh ne kí' enteshénhe' ónhká'k yah ne, yah raónha tehorì:wa wa'tshyatate'serehtóya'ke'.

**Kahentén:te:** Entetshénhe'.

**Karihwénhawe:** Hen entetshénhe'.

## Kanehsatake'ró:non

**Kanahstatsi:** Wahserihwá:ronke' ken thí:ken tsyátsi Kanehsatake'ró:non Tewateronyákhwa wa'erihwéntho' akó:sere'.

**Warisó:se:** Hen, kátke?

**Kanahstatsi:** Tó:ka, ken nonkwá:ti yá:ken kenhté:ke yakoyó'te tánon' wà:enhre' ka'k nón: ki nà:á tkaná:tayen ákta tho yá:yen' tánon' ó:ya taveserehtó:kahte'.

**Warisó:se:** Yeah, wa'akokaré:wahte'?

**Kanahstatsi:** Tó:ka, sherihwanón:ton.

**Warisó:se:** Wahsakaré:wahte'?

**Tewateronhyáhkwa:** Hen.

**Warisó:se:** Kí:ken oh, oh na'á:wen'?

**Tewateronhyáhkwa:** Yah kí' tewakatkáthton nahò:ten ka'seréhtayen, thók thiyahonkhonwí:sere'.

**Warisó:se:** Ahhh..

**Kanahstatsi:** Tánon' rón:ton tóka' í:se ohná:ken sahonwí:sere', í:se sari:wa.

**Tewateronhyáhkwa:** Wa'kathré:wahte' kí' wa'onktaké'seron' karíhton.

**Warisó:se:** Oh tá' nón:wa nohá:ke, oh niyohtón:ne ne ohhá:ke.

**Tewateronhyáhkwa:** Teyao'tsískwa wahén:ron' to niyohstó:re tsi íhseno wa'kí:ron' tá' kayé:ri niwáhsen, wahén:ron' sateryèn:tare tsi áhsen niwáhsen ne kén:en. Wa'kí:ron' yah ken tekenákere'. Well uh wahén:ron' entá:onts ki enkyá:ton' tsi í:se wa'tehsaterientawénrye'

**Kanahstatsi:** Tó: ní:kon enskárya'ke'.

**Tewateronhyáhkwa:** Kwah wa'karihwén:ta'ne' nakè:sere.

**Kanahstatsi:** Hen nek tsi wahsi:ron' wa'esate'ké'seron'.

**Tewateronhyáhkwa:** Oh yah tewé:so tá' énska tewenyáwe tánon' tewáhsen. Tánon' yah the tewakátyen ne thí:ken points ratina'tónhkwa.

**Kanahstatsi:** Orihwí:yo ken tsi yah í:se tesari:wa. Sewennanó:ten thí kahyatónhsera kahyá:ton tóka' í:se ohná:ken sahonwí:sere í:se kí' sari:wa.

**Tewateronhyáhkwa:** Khere' ken ní: akerì:wa ne ?? tahakte'ké'seron.

**Kanahstatsi:** Háo kí' ya'sanéhkwen.

**Tewateronhyáhkwa:** Tó:ske' tho niyawèn:'en.

## Ahkwesahsró:non

**Kahentén:te:** Yah ki ráonha tehorì:wa kí:ken wa'thya'serehtóya'ke' yah tethotkahrénha tánon' raonónhkwa yah tehótston ken niayá:wens ki raya'tá:ke.

**Karihwénhawe:** Ne ki thé:nen yah tha'tehonatí:ta ahonwayé:nawa'se'.

**Kahentén:te:** Yah the tehotenrohserá:yen.

**Karihwénhawe:** Aiotón:ón kwí ne ró:ne aontahonné:non tówa' ni royén:'a.

**Kahentén:te:** Ne kontátye ne ken ka'k nón: yekararónnyons khe ki réntskote.

**Karihwénhawe:** Yah ken te ne ronwayén:'a royén:'a ahonné:non' ahonwayé:nawa'se'.

**Kahentén:te:** Yah, raonhá:'ak raiatitákhe, raonhá:'ak rénteron ne aorì:wa ne ok saho'nikónrhen raotkahrénha tánon' raonónhkwa.

**Karihwénhawe:** Háo kí'.

**Kahnawa'kehró:non**

**Tekahonwá:sere:** Yóh sateryèn:tare wahi kí:ken tesatat-? ónhka ontátsera's\_ontyatén:ro Paul yah the tehorì:wa tsi ná'á:wen'ne' sateryèn:tare tsi teka'nyónskens niya'té:kon sewatyé:res yah í teyonkwari:wa ákte nón:we yetewanonhtónnyon sewatyé:res ó:ni yah tha'tetewaká:nere tá' nón:wa onekwéntara nikahahserò:ten niya'té:kon ká:yen nahò:ten ne tekatnyónskenhte' tóhsa ki ná'a tá ne ó:ni í:se sok ná se yah tesattó:ken wa'tesateryen'tawénrye' ne khe yánere khe skén:nen enkénhake' tánon' kháre ki ná'a waterihwí:sak oh ni tsi ne aonsaterihwakwatá:ko'.

**Kor:** Nyá:wen ki tsi ní:tsi thóha wahsatewén:naren' tóka' thé:nen í: akeri:wa taka'nyónskén'ne' ah wakatateweyennentà:'on ki akkárya'ke' tsi nahò:ten ontkaré:wahte' tóka' í: akeri:wa tóka' yah í: tewakeri:wa yah ki tewakaterihwayén:ni ne akkárya'ke' tóka' sha'teyonkeniri:wa wakatateweyennentà:'on ki ahsenénhson ki tsi ni kárya'k

tóka'í:se sà:sere saontkaré:wahte' wakatateweyennentà:'on ki ahsén:nen ki akkárya'ke' yah ne the teyawèn:'on akè:sere tho ki ontà:kerahkwe? akerihwaserón:ni.

**Tekahonwá:sere:** Tkayé:ri ki ne tho ni tsi tóhsa ki ne óksa takanahtsihkwaté:ni' ne ayakoná:kwen' tá; ne kayaneráhsera tá' ne karihton óksa yahonwatí:non yotón:se ná'tetsyátere ne ki ne tkarihwayé:ri.

**Kor:** wate'sén:nayen ka'nikonhrí:yo ítsats.

**Tekahonwá:sere:** Tho ki ne ni ne karihwanóntha.